



## **Jus Canonicum Practice Explicatum**

Seu Decisiones Casuum Ad Singulos Decretalium Gegorii Papæ IX. Titulos,  
& ad Consuetum Referendi Modum accommodatæ

Complectens dimidiam Decretalium Partem, videlicet nonaginta duos  
Titulos, nimirum usque ad Titulum XX. Libri de Feudis exclusivè

**Pichler, Vitus**

**Ingolstadii, 1728**

Quæst. An Reus in causa capitali compelli possit ad jurandum de  
calumnia?

---

[urn:nbn:de:hbz:466:1-62305](https://nbn-resolving.org/urn:nbn:de:hbz:466:1-62305)

penitentur. Quæ res sicut Corvino argentes ex honorariis & muneribus opes attulit, ita omnium ferè invidiam ac odium conflavit. Unde innu-meris maledictorum, obreftationum, convitiatorum telis velut meta expositus, tandem etiam in custodiam, vel pœnis carcerem datus, severoque exanimi subiectus est. & postquam ab omnibus variorum criminum, maxime peculatus, quasi publico bene destinatas pecunias in suos lo-

culos derivasset, infimulatus est, ipsèque ad objecta respondit, & sic litem contestatus est, petierunt accusatores, ut præstaret Juramentum calumnie, quo sub divina obtestatione promitteret, quòd sine dolo, & syncerè versari in lite velit, nihilque negare, quod verum esse putat, credatque se justam fovere causam. At Corvinus præstare hoc juramentum reculavit. Unde discutienda venit

### Q U Æ S T I O.

*An Reus in causa Criminali Capitali compelli possit ad jurandum de calumnia?*

Affirmativæ patrocinantur Joan. Bulgar. Azo, Speculator, Jo. Faber, & alii congesti à Barbofa in c. r. h. t. in 6. Innituntur variis utriusque Juris textibus, imprimis c. r. h. t. ubi habentur hæc verba, *sive Criminali sive Civili*: dein l. 1. § 2. C. de jurjur. propt. calum. ubi generaliter in omnibus causis præstandum esse juramentum calumnie asseritur. Concordat l. fin. C. de fid. Instr. § Nov. 124. c. r. item Constitutio Friderici de Pace tenenda § incendiariis.

Negativam tamen (seclusâ observantia contrariâ) eligo cum Baldo in d. l. r. n. 8. Sichardo *ibid.* n. 6. Cuiac. in c. r. § Nov. 124. cit. Wefenbec. ad h. l. Cod. n. 8. Jul. Clar. & Farinac. aliasque, saltem quoad Reum (accusatores enim, postquam inscriptio ad pecnam talionis, quæ potuit servire pro juramento calumnie, exolevit, ab eo

præstando nolim exemptum, si petatur) Julius Clarus *lib. 5. Pract. Crim. §. fin. q. 45. n. 9.* dicit, nunquam sibi placuisse Practicam, qua in criminalibus Reo defertur juramentum de veritate dicenda; addit tamen, ab observantia, sicubi sit, non esse recedendum. Ratio fundamentalis petitur indè, quòd secundum Jura, tam Naturale quam Positivum, suspectis de perjurio faciendo non sit deferendum juramentum: atqui apud Reum, qui capitali de crimine accusatur, licet nocentissimus sit, potest esse meritò gravis suspicio & periculum, ne ad vitam conservandam faciat perjurium: ergo.

Jura in oppositum adducta non urgent. *In c. r. b. t. X.* Pontifex non tantum agit de juramento calumnie, verum de quolibet juramento non præstando à Clericis & Ecclesiasticis personis

sonis per se ipsas in Judicio sine Superioris licentia. ubi autem *c. 1. eod. is 6.* exigitur juramentum calumniæ, additur *in spiritualibus*, quæ non sunt causæ criminales. Textus *in l. 1. § 2. C. b. r.* habent & retinent suam generalitatem, si dicatur, in omnibus causis Civilibus (non item Criminalibus) juramentum calumniæ locum habere. In *l. fin. C. de fid. Instrum.* itidem est sermo de causa civili, quæ respicit instrumenti exhibitionem, non de criminali. In *d. Nov. 124.* non agitur de juramento calumniæ, sed de juramento, quòd litigantes nihil dederint vel promiserint Judicibus, item de puniendo Judice, qui aliquid à Reo accepisse convictus est: vel de puniendo ipso Reo, qui falsò sordium insimula-

vit Judicem in causa civili vel criminali. Fridericus Imperator tantum quitur de duplici causa criminali specie, nimirum de *Pace tenenda*, de *Incendiariis*, ut constat ex *lib. feud.* non generaliter de omni causa criminali: dein non de juramento calumniæ, sed de juramento purgatorio ibi est sermo. Demum adverto, omnia Adversæ Partis argumenta adhuc duplici modo responderi. I. in causis criminalibus civiliter intentari posse habere locum juramentum calumniæ, ut distinguit Vultreus *de p. d. l. 3. n. 87.* non in criminalibus intentatis. II. Exigi posse juramentum Calumniæ in causis criminalibus criminaliter intentatis quoad Accusatores non quoad Reum,

## TITULUS VIII.

### De Dilationibus.

#### DECISIO LI.

De Judice nimis longas dilationes probatorias Actori concedente.

#### SPECIES FACTI.

**D**uo Nobiles Landsassii in vicinia possident Castra Gentilitia, unus eorum, nomine Eberhardus, à multo tempore exercuit venationem in Sylva alterius, cui nomen Osvaldus, quie-

ta semper possessione usque ad annum 1723. quo tempore Osvaldus nescio quo incentore, vel quibus argumentis persuasus, litem movit Eberhardo, & Judicium Petitorium ad vi-